



陶菴集

詩

卷之五

~ 16
2325
2



和
2325
卷二



陶菴先生集卷三目錄



詩

立春三

次贈金道叔就徵〇二

上元

二月十九日早起作

哭姜生演次其臨絕韻三

暮春復遊斜川拈淵明飲酒詩分韻各賦

湖峽過路題伏龜亭

飛來菴敬次同春先生韻

陶菴先生集卷三

目錄

一

過華江李徵君頤根舊亭

登滄邱二

馬上口號次宋君晦可明欽韻以別

臥疾和朴士洙聖源

七月六日夢起書感

七月八日夢拜丈巖相公劇談竟夜覺而作

洪外兄成伯禹集室內挽三

立春口占

喜李君建伯胤績步尋其遠祖墳山澆酒而歸

上元

松林閒步

拜二先生書院致膳與諸生坐松林下同醉作

金生重九挽

對酌松陰和士洙

大心松巢偶成二

吉趙二生過

三月三日松間吟

問士洙

和士洙

聞諸生上山有吟

訪德峰吳左尹不遇

醫人張敬賢為見兩孫痘患其歸口呼以贈

聞黃學士子直梓充義州軍有懷二

南監役道振挽

哭黃生汝雨有龍

別李衡老元柱

憶衡老

盆梅

除夕口號二

立春

豆溪小集口占

上獨樂亭

吳左尹重周挽

溪上駐馬望吳左尹舊居感而作

哭柳修撰益輝謙明

過宿李君習之灌茅齋畱題

酬成進士仲章爾漢

聞鄭君魯源師洙誦早梅詩和贈

和洪君子容器海

上鷓鴣亭

過忠烈祠放舟南下

謁尚德祠

尚德祠和白生

龜成

見贈詩

畱別金進士

相箕

贈聞慶宗人

桐

中原歸路別閔弟士元

遇洙〇五

松臺句講

李生

基敬

和示松臺經字韻復用其韻以贈之

松臺誦歸去來辭

四月八日

傷雨中芍藥花臥地

觀諸友習鄉飲禮即席書示

寒泉之東有石頗奇古命名曰讀書臺

賀張君

性中

祖父僉知公回榜宴

金監司

鎮玉

挽

酬寄柳進士

乘

誠齋韻二

受賜扇

松下酌松醪口號

自警

觀漲

金營將澗大人挽

九日和陶

松下偶成

曉雞

除夕酬李君景受鼎禧

酬裴君乃誠遠明

酬李君子久恒春

李進士敏培挽

宋教官婺源挽

追挽俞咸悅學基〇二

和李君師範

報鄭叔範績楷鄉飲酒禮志喜之作

酬楊季達應秀〇二

酬安達卿備

咏蟬二

出川上

落霞亭韻為楊季達作

謝秋湛二釋子

生朝自警

閏九月九日登高

葛谷鄭氏舍和大心韻

題李生雨佐草堂

李生光震挽三

別慎君叙守葵次其詩

酬鄭君汝大來祚贈詩

得士洙書久未報思至詩以酬之

酬宋生願錫

追挽申進士命觀〇二

酬朴君聖至獻可

酬金君平仲時準歌詩起壽

宋僉知世益挽

和李君晦甫聯

朴君聖至有詩示余奉和以勗之

李君晦甫示原明所贈詩感懷次之

松臺觀耕

三月五日登高

和楚山宰李侯衡鎮寄詩二

許生神挽三

金生庭挽十

南臺漫吟

酬大心病中見示

鄭處士餘慶挽

贈別李君太和醇甫

贈康君仲鴻達

南進士整挽四

和辛生應三

和安生鳳胤立春見示

朴生宗崙挽二

和洪兄汝和

聽洪君養汝順壽琴

清安途中

聞慶九槐亭宗會

和羅心甫淵奎

仙洞新舍懷大心

贈金生子昂厚顛〇二

和申大雲嵩仙遊洞作

哭李君衡老二

登負兒山

鄭兵使德徵挽二

盤桓臺賞雪和李生相韻

和贈白君士曄師晦〇二

和羅心甫

和贈張生烈

放牛

宗人僉知涵挽

李生惟哲挽二

漫興三

秋思

生朝志感

謝子容有詩規益

赴金生橫壽席主人有詩追和以贈

追挽金參判而見龍慶

元日

人日示諸生

和子容讀擊壤詩

龍潭去路過錦山霽峰殉節碑和崔穉陽受復

太古亭

和崔君穉陽

過達溪驛

拜三川書院二

又賦二

睡軒朝起偶吟

睡軒

臥龍巖

喚仙樓

赤登江雨中口號

冷泉書院

象賢書院

題湖墅帖

和閔弟士會

昌洙

耽羅路中見眎韻

宋掌令

思胤挽

李生

夏祥挽

嘲盆菊

病枕偶成示朴生

纘赫

聞曾孫生書懷示兒

金進士道叔挽

尹生

杕挽

沈生

致賢挽

李進士

克謙挽

臘之十一賞梅

乘興又題

花下對酌次李必玉坡韻

和吳君伯温璋

和士會渡海時次尤翁韻寄謫所

和士會謫中見示韻

偶吟

警學者

追挽任參奉選

因病自箴五

偶吟

尹先達得敏挽

用風雨近重陽分韻各成五言五

寫懷三

重陽病且遇風不得登高口占一詩

睡中微聞得恒叫奇朝來始令細說以替目擊

曉吟

自適

十月十二日拜社稷膳肉有作

李生度臣挽三

至月二十日梅下小飲作

詩謝李君元甫

梅下又賦

大雪欲上松臺而病不能焉籃輿至梅下作

贈韓君壬涵 敬養

自警

曾王考諱辰感懷

羅心甫臨別和取字更疊其韻以贈

次贈鄭生 錫休 以塞請益之意

陶菴先生集卷三

詩三

立春 甲寅


歲月日時俱得寅人而可以獨違仁須信賦生天厚
我靈臺自有四時春

其二

四運無端集夏時恭將一治祝 宸慈上穹自有無
言妙斗柄旋來人不知

其三

五十人生似醉迷窮廬素髮意悽悽汝曹勉勉同為



善起自今年第一雞

次贈金道叔

就徵

春鳴還自代秋吟物物真如競分陰四十男兒也不
小莫教虛負最靈心

其二

天時人事獨沉吟一氣非陽便是陰為己為人誰識
得難欺先有自家心

上元

節氣無端自南北月輪隨地却高低老農占驗還多
事俟命修身理即齊

二月十九日早起作

點滴通宵雨安舒勢好哉眾心醺似酒百蟄聽如雷
妙入無聲處功由不息來讀書新意味霽色滿池臺

哭姜生

演

次其臨絕韻

高樓太白谷舊德晉陽門隨身小學在歸去不慚魂
其二

生死無窮恨何由更及門他人好收骨老子獨傷魂

其三

面上他鄉草天邊望子門題詩與老阮恐有未招魂
暮春復遊斜川拈淵明飲酒詩分韻各賦

昊天及爾遊出門欲何之熙熙坐陽春如見太古時
斜川晝夜流余懷實在茲人道貴不息努力勿復疑
野外一尊酒年年且同持

湖峽過路題伏龜亭

亭在木川有九翁筆

老木有古意清川流不停秋陽無限思獨上伏龜亭
飛來菴敬次同春先生韻

輕陰遲野日冷溜響風臺坐歎書邊蠹行憐屐處苔
高天惟見斗百蟄未聞雷咫尺有茲境云胡不上來

過華江李徵君願根舊亭

寂寂華江北孤亭思殺人遠沙空自白老樹爲誰春

睡犬驚歸棹鳴禽恠幅巾凝塵跣坐地不見若相親

登滄邱

冲庵不可見此地使心悽冥冥雲水合時有子規啼

其二

浩浩大江流公歸神獨留窪樽不可飲惆悵倚高邱

右次冲庵韻

馬上口號次宋君晦可明欽韻以別

偶得玄繩錄如同李郭舟還勝十年讀枉作一旬遊
虛樂終無益真功死乃休皓天寧不復垂老漫懷憂

臥疾和朴士洙聖源

意與頽齡下閒仍嬾性成泉溝雨乍集野草燒還萌
罷睡朝曦白盈襟夜氣清秋風忽復至倚枕聽蟬鳴

七月六日夢起書感

慈顏一隔幾星^疑枕膝攀裾却宛然頭白至今迷所
慎惟憂應復及重泉

七月八日夢拜丈巖相公劇談竟夜覺而作

丈翁相對類癯仙談論依然未病年斯世難逢一場
快覺來林木滿清蟬

洪外兄成伯^{禹集}室內挽

啞啞重厚容吾猶及壺翁夫人鍾厥美所行唯敬恭

嘗聞吾姑教是有故家風

其二

吾兄真傲吏骭髀風塵裏白首縣如斗孤露誰為喜
婦子亦不待人生恨何已

其三

鬱鬱湘山水歸從樂哉斯嶺土清而曠魂氣無不之
早晚歸來賦惻愴雞鳴詩

立春口占^{乙卯}

春生大寒後酒好半酣時相勉無他語消融一箇私
喜李君建伯^胤步尋其遠祖墳山澆酒而歸

陶菴先生集卷三
十世雖遙見則憐山空雪裏斷楚然珍重歲時墳上
酒良心從此達如泉

上元

出洞邀明月登堂誦國風來年上元夕又復幾人同

松林閒步

松梢俯幽寺捫蝨老僧孤忽聞野鶴唳歸思在江湖
拜二先生書院致膳與諸生坐松林下同醉作
圃隱關佛氏吾道乃復東豈徒王氏臣實惟紫陽忠
蒼生胡無福天不佑靜翁惟有千載心白日當天中
吾鄉亦何幸南北儼靈宮二月祀事成執膳愧微躬

得此詎敢私神其啓羣蒙萬物得時雨天地方和風
此理無今古犁然如感通豈我無醇酒心醉諒難窮

金生

重九挽

一見臨湍老心知忠信人緇帷能愛士葑屋獨憂民
掌上璿璣轉胷中井地均緒餘徵令抱垂涕惜沉淪
對酌松陰和士洙

偶將觴詠對春風松色高低一畝宮暇日優遊良亦
樂書簷已覺午陰空

大心松巢偶成

林澗簷籬盡是松世間何類不相從人生與汝同孤

直且取其心莫取容

其二

滿目青青寒後松心期舍爾更安從笑君庭畔三叢
樹強作長安富貴容

吉趙二生過

冶隱重
峯之孫

金烏遙接沃州山悵望南天星斗寒今日相逢兩家
子懦夫猶覺激心肝

三月三日松間吟

春陰漠漠欲生霞三月空山不見花落下踏青如夢
裏萬松溪處一筇斜

問士洙

身上仲由袍知君恥不恥不恥言非難中心定何似
和士洙

透得此關頭爾心始無歉察時慎毫釐斷處快一劍
聞諸生上山有吟

柴扉孤掩落花風病起春光一半空却笑諸君欺我
老讀書聲在萬松中

訪德峰吳左尹不遇

碧桃花落古堂前竹杖楸枰共寂然聞道將軍海獵
去豪鷹獨坐望雲天

醫人張敬賢為見兩孫痘患一月再至其歸口
呼以贈

重來已是信為基危處方知着手奇何限世間慈弱
義白頭吾甚愧良醫

聞黃學士子直梓充義州軍有懷

聖朝兵不用乘障亦迂儒應知禁中牧起自北邊徒
其二

海色迷孤戍蟬聲滿故林 君親俱未報堅坐讀書
心

南監役道振挽

楓溪舊面幾桑滄一笑龍門白髮長鳴澗欲寒炊黍
竈崩崖或近讀書床名窩妙義無由問盡室高風不
可忘汗濁世中那住得秋天寥廓去揚揚

哭黃生汝雨有龍

士心貴貞介未可以貌觀君如水中石瑩然色清寒
敦行固不易處貧良亦難紛既有此美窮達顧何關
煌煌三秀草為爾發長嘆常時首邱思返骨心乃安
有女啼在室收聚舊書還一紙橫渠語塵滿誰人看
朝窓坐點檢生者獨慙顏墳菴落葉赤忍過讀書山

別李衡老天柱

陽春先生集 卷三
梅花未發已君還凍雪寒雲無限山近誦周南召南
未去時和氣滿容顏

憶衡老

枕畔數枝梅故人歸後開朝朝窓影裏如見抱書來

盆梅

枯木忽生意玄冬花近床宵燈微作影曉枕默聞香
人力那回暖天心又見陽攀援欲有贈予美在西方
除夕口號

一盞屠蘇滿座春元來四海弟兄均極知此道人同
得我願朝聞爾日新

其二

宿習因循事事然長言來日與來年却驚來日來年
是到得來年莫似前

立春

丙辰

皓首無聞愧此身窮廬猶自閔斯民我願 君心何
所似斗杓一轉天下春

豆溪小集口占

叔氏茅簷外溪清岳色新澗毛寧我祖道杖喜佳賓
梅柳經人日蓬桑又丙辰他時耆社酒同醉逸亭春
上獨樂亭

新春草色動野闊大江流平生同樂意獨立更千憂

吳左尹 重周 挽

自失德峰老難逢好丈夫情驩莫論齒身退詎殊途
不見瀕陽起誰為湖上圖門前空柳色鷹去杳雲衢

溪上駐馬望吳左尹舊居感而作

歎息前年死好人那堪舊宅又新春平原弱草依殘
雪摠是將軍獵後塵

哭柳修 謙明 益輝

孤坐空山白髮疎泉臺直氣幾時蘇朱文一部須還
我今世無人讀此書

過宿李君習之 灌 茅齋留題

不見其人但見其居果木方列川原紆餘童子應門
進退安徐知爾教之小學之書篤實懇惻方是為己
不緩不急至死乃已朝與朋友痛說及此欲以語君
君不在矣

酬成進士仲章 爾漢

大學工夫首致知自餘家國以茲推世人都失本源
地天下空多枝葉辭子見何殊一噎廢吾言正似兩
輪資老年且抑豪揚氣苟欲朝聞在日孜

聞鄭君魯源 師洙 誦早梅詩和贈

陶菴先生集卷三
梅花於我不相干觀處惟應驗善端舉目天機都活潑中庸一部最要看

和洪君子容

器海

焉知來者不如今尼聖於人有畏心河海鼎鐘均是
小天機嗜欲較誰淡霎時石電難長守斧後牛羊復
見侵頻復屢盟俱可歎爾應求我我還尋

上鷓鴣亭

洛上雨新歇千崖花發時春風吹客子西日照鷓鴣
野勢依山迥江流抱壁遲蒼松有古意庭畔倒垂垂
過忠烈祠放舟南下

鷓鴣回首隔雲烟水白沙長意渺然忠烈祠前增感
慨長虹疑有氣衝天

謁尚德祠

忽是重三節依然晬日迴桐鄉七分貌如待小孫來

尚德祠和白生

龜成

見贈詩

宛似童年侍誰從幕後移德容春滿座仁澤雨偕時
故老略已盡後生那得知徘徊塔草色庭宇野風吹

畱別金進士

相箕

偶爲嶺外客落盡尙州花絃誦興巖近風烟洛水多
主人能護疾行子便如家却別并鄉去猶應夢裏過

贈聞慶宗人 桐

嗟嗟我宗從古不繁或落于南今為寒門如水分流
其始一源世遠代易忽若路人陽山之南有暖其村
我欲從之春雨谿翻嗟我宗人各慎厥身讀書砥行
及爾子孫臨歧書此他不盡云

中原歸路別閔弟士元 遇洙

好水好山兼好書二三好友與之俱世上何緣全此
好擲揄已有鬼嗔吾

其二

去時一紙行程曆脚下頭流與俗離漱玉亭前還一

笑焉知吾學不如茲

其三

千載孤雲去不歸仙山芝草邈難期老年喜得南遊
力賴有中流砥柱碑

其四

端居不欲出庭戶意思常於靜處偏此行展拓良非
少莫恨中途一廢然

其五

相逢相別一琴臺路上光陰更惜哉滿目桃花春漲
綠祇應明日送君迴

松臺句講

松陰午日照橫經野雉林鳩相和鳴熙熙萬物皆春意默見黃虞以上情

李生

基敬

和示松臺經字韻復用其韻以贈之
頭白空山獨抱經秋春長伴鳥蟲鳴少年有志求聞道先識乾坤正大情

松臺誦歸去來辭

出門便幽壑列坐盡嘉賓風晚松花亂天晴鳥語新
隱約林端寺微茫野外人淵明詞賦在千載默相親
四月八日

滿地槐陰厚人行影不分孤齋燈似月眾壑樹如雲
洛社疑前夢溪樽駐夕醺清和好天氣此樂共諸君

傷雨中芍藥花臥地

松心不待後凋知獨立亭亭貫四時嗟爾草花顛倒
甚一番風雨力難持

觀諸友習鄉飲禮即席書示

草間綿蕞集青衿三代威儀乃見今天地方行盛德
氣山林猶有古人心酌來冽井泉為酒樂處疎松風
入琴尼父何年大林放願將此意更研尋

寒泉之東有一石頗奇古其上寬平可坐余名

陶庵先生集卷三
之曰讀書臺臺上棠樹可愛興至偶吟
一樹甘棠微作陰藤蘿解去自穹林讀書臺上沉吟
久遙見當時勿拜心

張君

性中

以其祖父僉知公命致酒肴蓋其慶

席餘資而肅廟丙辰僉知公擢武科今年爲

回榜歲云余重其意倚醉作詩以寄賀焉

夢裏明陵拱木春鬢邊霜雪賜花新喜君金榜
重迴歲知我丹墀舊侍臣好事一尊煩令抱賀詩
千里忝嘉賓莫嘆樗櫟邱中老置免于周亦野人

金監司

鎮玉挽

似聞尤老語公貌類文元在國爲循吏持門是好孫
微言知有受耆德喜猶存後生空白髮垂淚望靈輶

酬寄柳進士

乘誠齋韻

共是成來性須知復處根最初言不妄而後行彌敦
象卽天雷著心惟夜氣存湖南近寥落努力破蒙昏
其二

維天不已聖之純此道分明俱在人一則公時儻相
似四成我處每還因須臾或離都無物毫髮難欺自
有神方信善言千里應要須各敬老年身

受賜扇

陶庵先生集

卷三

詩

十三

陶庵先生集卷三
臺省惟虛詰林泉亦素飡年年五月五珍筵拜君
恩

松下酌松醪口號

午日作陰風作濤坐來微露滴清醪蒼松百尺干雲
直那得人中似爾高

自警

夢寐常宜靜言思摠是閒用心猶未熟易失取舒閒

觀漲

一川南北坐新晴冉冉斜陽洲渚生莫是滄浪嫌濯
足夜來猶自幾分清

金營將澱大人挽

八十來年身且健是翁完福近希聞少時義氣驚鄉
俗白首高歌臥海雲死即銘旌都御史生疑夜獵故
將軍膝前赳赳三男子殺賊惟知報 聖君

九日和陶

天心本自仁肅殺亦生生爲此羣陰月尚愛重九名
天高昨日雨萬木霜華明扶杖陟崇崗列坐聽松聲
顧影笑白髮撫心惜逝齡黃花開未開有酒我且傾
詩書以終老此事於我榮嗟爾四方士疇不起鄉情
及時當漑根秋實各自成

松下偶成

短松立如束條葉密於織白日容其光落地文繡錯
我來愛此陰沉歎坐永夕三千與三百細細劇絲髮
大哉聖人心包括無一失

曉雞

寒暑何曾廢天機各自鳴一心常惕若報曉亦蠅聲

除夕酬李君景受

老來方惜日病起忽驚春是處良心切同君一撥新

酬裴君乃誠

歲色判昏曉人情殊舊新吾慚滿頭雪天與一腔仁

千里求聞道他時驗事親南遊如昨日回憶達城春

酬李君子久

存心不待問惺惺朝晝常如夜氣清向裏工夫須及
壯此翁無力制頽齡

李進士

昔與黎湖語及門有二李大李時相顧識博質又美
小李不相見蓋聞亦佳士骯髒有姱節詞翰時自喜
忽得乃兄書前月病不起嗟哉貞元際萬物正資始
云胡三秀草抱志雪中死薑桂自有滋滅性乃如此
平生好善意白髮坐山裏不知草萊間湮沒幾箇子

遙憐讀禮燈夜影淒孤被告君且收淚殘書爲料理
夙夜獨征邁仍以教穀似

宋教官婺源挽

春秋大旨炳日星天爲此道生尤翁鄉原之禍甚楊
墨辭而闢者伊誰功此翁脚下難爲孫後來典刑喜
得公先生有文一百卷將與天壤垂無窮大哉訂謨
及功業亦有編年書一通公乃獨任編摩役頭鬚爲
白十年中世人且莫輕訾警微君此事那有終我初
識面延英門公時尺疏叫皇穹鳳凰一羽人爭覩布
衣南去海連空晚來薄宦非其志行止猶觀時污隆

灑水清漪映書屋廚中無烟三徑蓬豈肯煩攤門外
飯要須不失乃家風前月哭君九水村是夜天寒雪
冥濛白髮窮山悄獨立于今世事尚無聰人家父祖
萬仞壁幾箇倒西復來東紫陽此語真痛切自公之
逝吾誰從

追挽俞咸悅

學基

生來氣味近醇醪恢蕩襟懷也是豪老知世界都衰
颯猶喜年前見一遭

其二

不徒傾蓋獲公心姻好因知內行淡驥足牛刀從古

陶者先生集卷三
歎區區何必語升沉

和李君 師範

夜來春雨意頗足庭草無人還自綠同君日日念湯盤且向前川作新沐

報鄭叔範 續楷 鄉飲酒禮志喜之作

天時盛德氣方濃周禮于今却在東醅酒虞庠娛庶老舞韶齊路化羣童也須推廣一家讓安得挽回三代風甘白古來常尚質且將詩樂慎初終

酬楊季達 應秀

肥瘠不關田雨暘惟聽天且各盡人力時來興勃然

其二

吾知告子不知性相彼百川流必東若非大智行無事那得平成萬世功

酬安達卿 衢

人生愚智詎相懸朝夕磋磨賴友賢苟不為人斯過半須思克己且從偏涓泉漸覺新知達快劍寧愁宿習纏白首讀書還自笑此心頃刻忽天淵

詠蟬

屈平與爾真同調墜露朝朝飲更多滿腹清冷無處瀉還疑遺響入騷歌

陽春先生集卷三
其二

天公爲合樂流響滿空山竦耳涼風發醒心爽氣還
時維夏秋際物是鳥蟲間我臥寧嫌聒渠吟自不閒

出川上

雨坐平沙風滿衣淹留且復曝秋暉清川左右逢原
地天理人心共發揮

落霞亭韻爲楊季達作

連峰霞氣半江明高士風流曠古情滕閣廢墟空水
色天台遺賦自金聲上林日晚羣鴉滿野澤秋清獨
鶴鳴不有賢孫光緒業世人那識此亭名

謝秋湛二釋子

爲師千里意良勤寶塔靈碑浩劫雲自笑吾迂亦太
甚生來不見釋家文

生朝自警

白頭無路報穹旻每到生朝閱此身但願從今聞大
道免教虛作文夫人

閏九月九日登高

病起登高晚天高鴈影長今秋又一閏是日再重陽
蟋蟀猶依戶禾麻欲滌場籬花未全老亦足泛吾觴
葛谷鄭氏舍和大心韻

同卷先生集卷三

詩

十八

靜室琴書好清尊對菊花人看將門子我愛圃翁家
落葉迷村徑寒流淨澗沙慙慙畱客雨二日得詩多

題李生雨佐草堂

穿溪過麓不嫌深暇日茅堂又一臨邱壑清緣輸老
將詩書遺化起儒林嚴霜淅淅孤花晚小雨沉沉落
木陰此夜燈前賦杖杜壺觴珍重故人心

李生光震挽

吾鄉詩禮古來敦尚喜厓翁有好孫二院絃歌方發
軻君亡此事與誰論

其二

四隱亭空溪水寒遺文零落在人間汝門堂構他年
事泉下唯應望季難

其三

書齋分占壑東西好事松醪幾見携來往風流今寂
寞不堪秋草塞山蹊

別慎君叙守葵次其詩

白首高歌歲暮天空山朝夕食清泉朋來千里驩如
舊同善何論覺後先

酬鄭君汝大來祚贈詩戊午

萬妙貞元際良心發見時鳶魚他自得非是要人知

得士洙書久未報思至詩以酬之
薄祿驅人也不遑山樓啖薺未應忘別來又見年華
盡舊讀循環幾格長

酬宋生 願錫

湖南近寥落遜老尚淵源喜爾多真氣與人無俗言
心孚地不隔目擊道仍存默默還成別年來覺我煩

追挽申進士 命觀

東湖一曲人如玉廚不生烟床有書農老門前盈尺
雪白頭回顧意何如

其二

篋書零落已生塵山水携家願卜隣此意難從俗人
道世間何限白頭新

酬朴君聖至 獻可

老方知惜歲月慎勿拋好時節爾來日雪如花爾歸
時花似雪

酬金君平仲 時準 歌詩起壽

此身老去無餘願移孝于今一事天滿目艱危搔白
首古人何意欲長年

宋僉知 世益 挽

草萊何限死者儒公道于今久已無忠信元來天與

貴看公莫以一僉樞

和李君晦甫

聯

上蔡去矜字工夫祇一年良心易頻復本體詎長全
窺淺莫言大鑽深方識堅脊梁千百擔生死直須前
朴君聖至有詩示余益知抗顏之爲可懼臨別
奉和以勗之

遠來未必我爲賢子欲求師性卽天氣質化時渾是
善聖愚元不有偏全

李君晦甫示原明所贈詩感懷次之

此爵焉能易彼貧一生終是養於親存順死安猶可

及到茲方信我爲人

松臺觀耕

春泥汨汨水盈陂更有田烏牛後飛沉吟化育無窮
妙日用人人那得知

三月五日登高

白髮芳尊感物華那堪風雨夜來多少年莫歎春光
疾畱眼重看戊午花

和楚山宰李侯

衡鎮

寄詩

自從離索白紛如遲日空山坐念書珍重故人千里
問春來詩興在公餘

其二

頭白常憂負是翁遺祠悵望楚山空
膳來素飽能無愧願仗絃歌作士風

許生紳挽

陽川世閥盛賢豪滄海高風不寂寥
知子承家惟孝友誰人解惜老蓬蒿

其二

將子郊亭數往還至今追憶却慙顏
人生書劍惟從好多少思量摠是閒

其三

西疇春及己人非寂寂江雲掩峽扉
遙想龍驤柁樓夜夢中風雨棗華飛

金生院挽

一水湛且綠縈迴繞其宅婆娑賢父子
人代閱來速其二

我愛素隱翁天然真實在曩我移家來
翁歸不相待其三

雪裏一登臨遺墟偶回祿我言肯構責
不獨一茅屋其四

再來落花時山鳥啼更寂屋成人已非
臨流坐歎息

其五

曷不爲家學相見每相謂腹中書五車博洽亦可畏

其六

骯髒不諧俗爲文亦若茲今人那易識宜爾命之奇

其七

家家讀書聲鄉塾有古意嗟哉正終時惓惓育材志

其八

溪院詩書會期君方秉拂此事良亦難居然善士失

其九

相望莽蒼間爾嬾吾亦老一歲僅一見中心則相好

其十

穀雨新晴後溪魚潑潑遊沉吟去年約益信此生浮

南臺漫吟

人情天氣兩融怡此樂堯夫先我知活活清川新雨
後萋萋芳草落花時窺園屢被黃鸝請爭席頻教白
鳥疑歸對殘編聊一笑優游終日亦何爲

酬大心病中見示

泉石烟霞疾已瘳如何無妄又相侵此心只可先要
好清濁同歸一利心

鄭處士餘慶挽

叔祖平生小學書澧蘭沅芷恨何如抱經窮巷清如玉獨有門人白髮餘

贈別李君太和 醇甫

相別玉屏士偶來川上時秋水淡無累野日淨暉暉遙樹一蟬鳴興至便為詩

贈康君仲鴻 達

楊柳依依冰雪溪都從書裏度光陰那能使汝忘飢渴良苦西山食薺心

南進士 整 挽

老眼年來厭俗塵山林猶見讀書人如今零落歸泉

下把翫餘光悼此身

其二

白頭為學奈空疎看字終慚辨實虛此義何由問箕子他時涕淚檢箱書

其三

幽期華岳未開雲一酌春池獨少君惆悵郊西十年面此生無路更論文

其四

老年幽計在巖泉吾弟云亡子亦先春日無人抱經至新亭獨立意悽然

陶庵先生集卷三
和辛生應三

機絲中斷復難全掘井如何不及泉三十過來仍老大祇應回顧意茫然

和安生鳳胤立春見示

清明一氣夜存餘早晚穹林濯濯墟也識貞元涵萬妙要從動處驗吾初

朴生宗崙挽

緇塵曾不汗衣裳歸臥龍門白髮長蘭草自生還自折世人那得一聞香

其二

江干谷口或相尋離索中間兩地心莫道傳家無長物一經終不易籬金

和洪兄汝和己未

雙騎竹馬憶青春俛仰都成濩落人白髮傷時還怕壽素心憂道不言貧人生離索南還北天運循環夜必晨且共陶邱樂耕鑿何論花竹小經綸

聽洪君養汝願壽琴

青春白日無塵事大樹之下坐鳴琴松風泠泠左右至谷鳥林鳩相與吟先王作樂今渺茫往往感通在人心老矣不可俟河清請君彈出太古音

清安途中

白髮尋山還自笑琴書邱壑是生涯傳言巴串猶厓
雪行到清安已杏花馬上春愁長和睡天邊野色半
成霞大心有魄應隨我未死何曾獨守家

聞慶九槐亭宗會

蕭條九槐樹滿地忽新陰杖杜成今會甘棠憶舊臨
巖棟雲霞渺桑村雨露淡同根異榮悴沉歎百年心

和羅心甫

烟壑

遠來從薄海相逐入深山日月詩書裏雲霞杖几間
晚聞同覆簣微力愧迴瀾靄靄落花雨離愁也未閒

仙洞新舍懷大心

造化多般巧巖泉幾曲清君言直一死我欲寄餘生
燕至猶疑賀鳩居却少營雲林絃誦地千古有遺情

留此十數日無一詩臨發口號

贈金生子昂

厚顛

世人疇不笑吾迂六十方看小學書千里相求同氣
類笑君迂更甚於吾

其二

高生五十始為詩小技文章亦足奇九仞成來由一
簣從今人十已千之

和申大雲嵩仙游洞作

清高儘我弟泉石疾還淡白首同歸約青山獨往心
林芳疑鄂棗松籟代亡琴寂寂無誰語多君一馬尋
哭李君衡老

長宵誦易耳如聞黃葉柴扉枉待君古峽秋淡霜氣
重江中恐有未招魂

其二

朝朝山屐破溪雲夜網懸魚更荷君他日仙遊絃誦
地婆娑應共大心魂

登負兒山

在谷常嗟管裏天登臨雲海夕陽邊猶嫌目極生氣
翳更借長風一豁然

鄭兵使德徵挽

圃老之門出將多沉吟此理竟如何幸余一識明公
面氣味投壺與雅歌

其二

轟石樓前雲水悠穹碑應遣淚長流朝廷不起瀕陽
臥天與巖川養白頭

盤桓臺賞雪和李生桐韻

雪壯生陽後風和大凍中沉吟洙泗意此樂與人同

和贈白君士曄師晦
收將此物主於身且就真經一一遵但恐讀來如未
讀明年人是昨年人

其二

大聖生知猶志學萬千辛苦始能成休將一餉吟哦
過默向吾心驗正誠

和羅心甫庚申

半世欺人坐此名憐君虛用遠來誠優柔老覺詩書
味正大閒觀天地情五十有聞猶足畏百千努力詎
無成別時又是黃梅雨目送江南綠草程

和贈張生烈

識子遠來意何嘗求飽安詩書擁茅屋風月滿槐壇
別思鶯聲裏流光馬足間及時須用力老大謾悲嘆

放牛

豐林雨歇野氛昏臥聽流泉左右喧白晝閒眠渠不
愧春時猶報主人恩

宗人僉知酒挽

老眼尋常厭俗紛吾宗獨見質勝文孰言仁富行相
恃久識經金義已分他日去尋悲宿草十年離闕望
歸雲尚從齒爵徵天報一入重閣謝 聖君

李生惟哲挽

茅齋相對寂無言石色江聲繞一村恨失當時窮緒
論聞公兩世及尤門

其二

移宅嘉陵更渺然癯容野趣望如仙老年燈下蠅頭
字零落塵箱幾禮編

漫興

穀紋重疊逐微風斜日金光蕩漾中鮮鱠細麤隨所
遇木瓢真率稱斯翁川上印事

其二

一洗塵冠當浴盤溪流清徹照心顏不妨仍作重陽

會峽裏鴻來已早寒墮冠水中自嘲

其三

苔磯日晚坐沉吟八月清霜紅半林從他水面風微

過偶得遊魚自在心和李君伯心基敬

秋思

登高騁遐眺秋色一蒼然小雨重陽近清霜九月前
峽溪稀下鴈園冷寂無蟬關塞雲千里行人何處邊

生朝志感

生初回憶似前劫歲月無端霜滿簪是後再新天地

日箇中百變古來今永慙莫報昊天德猶或還全赤
子心直到繭成符至日兢兢履薄又臨溪

謝子容有詩規益

二弟黃驪至提壺慰始生情親無百拜歡極失三行
夢裏風雷象床邊蟋蟀聲沉吟增夕惕規切荷君誠
赴金生橫壽席主人有詩追和以贈金是同庚
也

生歲誰期老更逢欣然一笑共衰翁數三酌後顏還
少四十年前頭已童禮為鄉隣惟上齒學從家塾庶
同風且將此會名真率意到詩成何必工

追挽金參判而見龍慶

英達君家丞相在古人風韻莫先公少為詩會長相
憶一入 經筵偶與同出處升沉都有命死生離別
各成翁故情錯愕空垂涕虛企星軺曷月東

元日辛酉

朝吟堯典夜文王天德昭融萬世長自喜此身熙皞
裏齋誠遙向五雲傍

人日示諸生

每歲逢茲日循名却發慙吾儕那自小中立也能參
和子容讀擊壤詩

陶者先生集卷三
莫將偏霸比文桓真樂猶堪驗廣胖夢寐康衢千古
意此翁非爲一身安

爲邵翁
解嘲

龍潭去路過錦山霽峰殉節碑和崔穉陽
受復
駐馬荒陂看古碑雙忠一郡百年思天清野曠無餘
迹語及龍蛇涕自隨

太古亭

流水聲中今古情老松倒壁獨花明堪嗟太白山巔
客暮歲經綸此一亭

和崔君穉陽

臥仙猶是折腰者數日都輸吾輩閒無限雲烟談笑

外有情風雨去畱間同攀松桂憐三宿間說詩書愧
一斑踏盡江南春草色婆娑臺上更怡顏

過達溪驛

雨露桑麻太古天柴門雞犬白雲邊翛然復欲移家
住萬壑烟霞一道川

拜三川書院

瑤琴空在匣山水爲誰彈三川逝不息佇立起長嘆
其二

空庭無老柏隔樹有黃鸝平生出師表三復涕長垂
又賦

披髮伊川萬世憂
即今腥穢滿神州
也應前聖乘桴意
聞洛相承一派流

其二

天下惟吾冠帶國
英靈眷顧或東臨
鞠躬詎肯論成敗
此義儒門一頂針

睡軒朝起偶吟

樓居縹緲似仙家
偃蹇青山入吏衙
奇事更添今夜月
杏花如雪雪如花

是夜雪

睡軒

溪山迴合盡雲烟
花樹冥冥小雨天
白髮蒼顏何意

思南來還傍臥仙眠

臥龍巖

朱子川邊春漲淡
臥龍巖上夕雲陰
蕭條異代無窮思
擊節如聞老栢吟

喚仙樓

少小赤裳山上遊
至今遺恨喚仙樓
鸞驂一去江空碧
把酒臨風愧白頭

赤登江雨中口號

短棹穿過萬壑雲
赤登江上雨昏昏
心香一瓣人誰識
遙指尤翁生降村

冷泉書院

龍淵臺古水流急青鶴不來雲自淒可識先生結茅
意巖巖千仞與之齊

象賢書院

茅碛雲壑使人迷洞外平蕪棗樹齊絃誦寥寥晴晝
永一庭花落鳥空啼

題湖墅帖

壬戌

日涉門前行徑微盤桓臺上宿雲飛江南芳草自春
色塞北征人何日歸

和閔弟士會

昌洙

耽羅路中見眎韻

緘髓經年志竟成仲君心事一朝明恩歸亭上滿樽
酒悲喜他宵說此行

宋掌令

思胤

挽

湖海離情歲轉加昨來凶聞淚橫斜老年書籍猶成
癖少日朝衣久已賒泉下蕭條舊臺栢霜前蕪沒故
籬花令季相逢如問訊山中閒漢鬢全皤

李生

夏祥

挽

白馬江邊微雨天君騎牛至我維船心知顛蘖徵天
理文采踟躕美少年

嘲盆菊

病起曉霜白籬花香欲還隱身矮簷下未信爾凌寒

病枕偶成示朴生

續赫

客從瑞石至誦詩非俗聲梧桐涼露夕病鶴不禁清

聞曾孫生書懷示兒

自信童心在渾忘白髮繁翻驚我成老詎意汝生孫
但願承家學猶爲報佛恩生朝還隔日霜露倍傷魂

金進士道叔挽

自我來泉上所喜得道叔道叔貌頗槁見我輒腴色
相望六十里每來信兩脚暑嶺獨躋攀寒川長撇烈
斯學諒爲己講習豈不樂告歸常卒卒親老難一宿

十年不少懈此事稀古昔初趾及止止心存每如一
勗君造次間猶足驗學力甕牖僅容身中若朝廷肅
婦子相跪拜穉兒慎唯諾暮粥亦屢空鶴髮自怡悅
餘教被村隣樵徒誦小學薦書不渡漢催吏徒叩屋
明府方講學倚君將豎拂鬼伯忽相迫仁人也無祿
鄉邑若空虛聞者均痛盡靈芝空三秀此恨何時歇
昨夜見元賓相對淚空滴力疾寄荒詞且代相縛役

尹生栻挽

忘憂村裏閉門淡雅尙何曾怨陸沉義教仍資相長
益枉臨多荷願言心小齋塵滿琴書榻故里霜淒棗

隱者先生集卷三
栗林孝子書來增涕淚白頭扶疾強悲吟

沈生致賢挽

同舟醉興下藍山風義難忘十載間爲問鷓鴣好在
否主人歸去空江寒

李進士克謙挽

鳳棲流水送君歸收拾殘書九歲兒天祿英才不少
惜白頭憂道淚盈衣

臘之十一賞梅

淡淡玄酒意宜爾未開時及此清香發那無一醉期
乘興又題

寥寥玄古趣且欲向君尋忽爾聞香處還知惡旨心

花下對酌次李必玉玩韻

臘去仍爲殿春來却是先自能隨日化非欲向人妍
睡美暗香裏尊空疎影前茅齋縱寥落也不怕寒天

和吳君伯溫璋癸亥

藹藹新陽天地心山空寒月照清襟向來物欲紛拏
久草色堂前幾丈深

和士會渡海時次尤翁韻寄謫所

炎溟嗟是翁再涉一年中天地陽無盡詩書道不窮
照盆依白日挂席信長風珍重桑榆計無令忝孝忠

和士會謫中見示韻

抵死孤忠尚皦如，欽崎湖海一身餘。却將野服當峨
豸，豈必官途可折車。短髮蕭疎三夜夢，淡衷繾綣幾
封書。上天霜露無非教，好臥江亭食舊魚。

偶吟

天機逝不息，妙處竟如何。曉枕聞魚躍，盆池也自波。

警學者

我病還須教爾慵，林居散漫愧相從。臥看一室虛生
白，不復傍人誦九容。

追挽任參奉

選

十載相逢俱已老，盤松八角舊時情。每慙莫救陳東
死不恨，長為洛北生。白首猶存淮海氣，丹旌祇得寢
郎名。支離於世空多感，時對賢成淚滿纓。

因病自箴

半世求仁心似丹，西銘一讀復三嘆。醫門此疾真名
狀，莫是天教體認觀。

其二

自覺多言害道真，無難况是責於人。邇來舌本差強
似木訥，從茲或近仁。

其三

小不正猶心不安
嚼斜口眼更何顏
年來履薄臨深
意把照從今未忍看

其四

人扶不起起還傾
此學元來欠力行
除却閒言堅立
腳須知天意玉吾成

其五

老年筋力苦無良
知道于今類虎傷
淨來人欲渾天
理合喫仙家第一方

偶吟

星則光圓石體方
人生氣質合商量
質形質之質
須知變

化工夫地方局圓通自有常

尹先達得敏挽

嗟我同庚友脩材委厚地
去年亡一子今年亡一子
玉堂淒舊直臺府寂清議
發軔有季難同朝方甚喜
君賜未簪花持作丹旌字
茫茫不食報餘慶尙兒稚
早霜被百草去去湍江水
何言慰大阮哀歌漬老淚
曉間輾轉用風雨近重陽
分韻各成五言十五
句以叙懷

庭樹一半空策策終夜風
蟋蟀寂無音哀鴻叫不窮
歲月忽蹉跎牢騷一病翁

陶菴先生集卷三
其二
徒佐落木風殊非膏物雨農夫妨滌場行子愁臨路
陰陽多錯互沉歎此曷故

其三

山水不必遠書中有大隱敢處老成名深慚小物謹
忽然詩興發心知九日近

其四

白首猶小學朝朝誦九容磨驢徒故迹蒙泉何當通
理強心力弱關鍵自重重

其五

四時貴名日古人皆取陽况復屬歲暮九九最重剛
直到閉關節分明見消長

寫懷

維天正色晦宵時星斗滿空光陸離睡覺披衣還獨
立此心那得鬼神窺

其二

萬里無風帖碧濤登高望海海彌高雲霓明滅彼何
地欲駕扁舟問六鰲

其三

快事世間那有此中心之好語難傳即今塊伏深房

襄想像時時一爽然

重陽病且遇風不得登高口占一詩

病裏尋常負令辰秋陰漠漠劇愁人風前赤葉鋪仍厚雨後青山洗更新頭禿平時帽自落肺傷邇日酒難親登高亦覺風流少一任黃花笑老身

睡中微聞得恒叫奇而昏蒙不省朝來始令細說仍記其事以替目擊

天高昨夜霜月色何皎潔仰視玉宇淨微雲更點綴忽有雙飛鶴渾身皓如雪翅逐槐陰轉影到書巖滅戛然過余屋疑有仙馭掣誰遣九臯音聞野清不絕

山家寡俗韻得此境更別老子睡不知聞之但擊節

曉吟

淡室衣衾厚不知窗外寒臥思天下老幾許喫艱難

自適

哀生甚哀死諒知出天慈臨書淚數行終緣兒女私七情發不中讀書將奚爲

十月十二日拜 社稷膳肉有作

十月之戊午雷轟 社壇木豈惟神震驚莫測理倚伏三言退癸惑一德消桑穀天人際不遠感應甚神速修省祝我 王克己首慎獨署人辱致膳賤臣方

仰屋細傾亦何心素餐常所惡從今拭老眼功化佇
位育

李生度臣挽

三世主文盟君家獨有是尊翁吾同年世謂趾厥美
高騫不盡翰殄瘁痛何已茫茫不食報君胡又蚤死

其二

君以先人故一來顧窮谷移晷談詩書懽然意俱足
君如淇岸竹青青立幽獨相契歲寒心一見可醫俗
霜雪忽來集摧折一何促

其三

尊甫不可作君去又山阿法門日衰敗此道竟如何
嗟哉九泉下良士何其多吾亦哭吾婿伏枕淚滂沱
至月二十日梅下小飲作

太和名自邵翁來氣味沉醲正佳哉春風一座流行
遍且與梅兄解凍腮

近聞李君元甫失爵以來不能如平立之無怨
此余之過也及其相見余病不能言詩以謝之
且解其惑

歲在丁未字以錫汝是君天得非我私與既非私與
又何奪為欲君知恥奮發於斯求仁之方恭敬與忠

君於三者都不用工蓋君少日志氣蠶壯謂爲己任
當而不讓我憂其過時或退之年踰而立大乘所期
氣質之病只是依舊縱我與縻奈君不有有時顧思
能無愧懼是宜自貶又何靳固然仁不遠欲之斯臻
其得其失在己非人非若朝宦有削有復况此公物
非君所獨嗜朱夫子於元不居觀其成就其果何如

李名仁錫
舊字元爵

梅下又賦

梅花花下百花醪花氣熏人寒欲消莫露藥珠宮裏
面雪中標格自然高

臘月七日大雪欲上松臺而病不能焉籃輿至

梅下作

滿山松雪粲成文高處盤如落處紛歸視梅花太蕭
索却思扶杖去穿雲

贈韓君士涵 敬養

爲問三冬讀誰曾花近床瓊瑤滿地樹高處是無香

自警

我病不能言聽者不解取往往倩人書書字亦多誤
何其失本旨未能無怨惡却恐爲心病惕然忽反顧
我言未分明於彼無可怒相怨各一方無良甚可懼

陶菴先生集卷三
此心復釋然三隅可默喻俚言將作詩以代盤盂具
十二月二十日吾曾王考諱辰向晨起坐北望
愴慕成四言詩以示子孫

猗嗟我祖實維我師忠信之質豪傑之姿石潭坡山
吾道在茲魯無君子斯焉取斯備嘗險難粵自冲時
運際衰圯功侔創垂維此忠孝門戶根基玉瓚黃流
暮年攸宜然猶執謙德崇位卑勞而俾逸積而有施
凡我後人咸受厥詒曾孫不肖亦均秉彝親親賢賢
沒世興思過情之恥招損之危夙宵兢業恐忝先規
敢忘盤銘願誦抑詩迨茲諱辰晨起愴而瞻依邱壠

霜雪淒其居處笑語遠矣莫追惟厥心志想像可知
理義芻豢尚或得之宗嗣如綫天若可疑庶垂冥隲
永世保持

羅心甫臨別和取字更疊其韻以贈

顧我擇交淳實是取而子求我無乃自誤勿爲鄉人
粗免見惡聖道如砥礪焉謾顧維時歲暮北風號怒
難尋易斷此言可懼行子歸家請以爲喻子豈視此
爲墻壁具

次贈鄭生

錫休

以塞請益之意

全德固難得一長皆可取幾人甘暴棄公然一生誤

陶菴先生集卷三
本心尚不昧善好惡堪惡赫然天命在朝夕失其顧
暗室或不謹明神得無怒懍若履冰危真知傷虎懼
自有做人樣何須以物喻終身誠與恕賢聖說已具

陶菴先生集卷四目錄

詩

具進士 文混 挽二

張佐郎 字龜 挽三

和韓兄 配性 韻

新齋告成重三會書社諸生小飲各賦

曉枕作

漫吟

槐臺寫懷

偶吟



李參判雨臣挽

初上讀書臺鶯鳩交鳴小睡罷漫吟

懷申君瞻甫光斗寄詩

林塘偶吟

詠窓

避雨店舍雜坐口號二

斜川即事

觀水

臨池偶興二

川上口號

別濟州牧使尹子固令公植

八月十五日志哀

寄南海謫客朴士洙

疊成并寄

夕惕軒夜坐口號

過夕惕軒趙君益章重晦孤坐詩以慰之

示康君仲鴻

別慎君叙

和士洙記夢

和士洙棘中述懷

太學生尹志述遷葬挽

追挽徐察訪文永

元日賞梅

立春志感

人日二

三月十二夜聞子規

試脚初至外軒

仍有所感示同學諸君子以警敕之

三月三十日作

笑士涵喜睡

四月既望同諸生煮蔬

乍憩梅樹下

端午偶吟

五月八日先代諱辰起坐感懷

戲題真像二

又詠寫真二

即事

黃都正瑞河挽

李光州宜祿挽二

朴承旨聖輅挽

哭朴生 宗相

哭崔生 應星

坐聽澗瀑 二

中夜起坐述懷

曉枕偶吟

荷花盛開

即事

兒子為安城宰洪生雲紀偕遊詠歸亭

漫吟

八月十三日樹阡表志感

曉起開窓自笑成詩

晬日志感

偶成

疊前韻

迎菊盆

又迎菊盆

十月作重陽會草成古風一首求和

野鶴

追和金生濟大 用謙

謝濟大用尤翁韻見贈

餞菊

觀名山記詩寄尹令景孺汲求和

冬暖

和宋晦可追次十月重陽韻

喜曙二

至日同必玉觀梅得心字

梅下作

贈別金士彬文行海州通判

用李一源秉淵韻寄題李奉朝賀秉常小歇亭

敬次仲舅恩歸亭八恩韻

贈別金姪士修敏材

梅花下喜鄭魯源至

二十日出外舍觀都護兒至仍問訊梅花而歸

嘲梅花

臘日

曉聽李君晦甫誦杜詩夏夜歎

又至梅下時除夕

除夜口號示諸生

元朝又至梅下

肩輿又至梅下

逐日到梅下

題春帖四

次金君叔居維寬韻自嘲

夢贈畫者

朝起偶吟

朴士洙自南海蒙宥還過路一宿

和士洙雷詩

夢食仙桃覺來香猶滿口

李處士光益挽

金榮川令行挽

聞是日行習操寄都護兒二

李文衡佐挽

李奉事聖興挽

酬慎可象爾儀

夕惕軒對酒遣興

和可象平仲酬唱韻

贈玄君子敬命直

辛生聖任挽

李處士奎臣挽三

東金濟大

哭柳進士 乘

寄詠望遠臺佳遊

作花餽會口呼示諸生

旱極得雨其喜可知

山扉

李生 命赫 挽

贈白生 東顯〇二

贈安生如松 宗茂

詠棗樹

夏至

端陽

見電寓警

寄題玄君子敬尋初齋

兩池

六月初一日若將大雨而不雨

肅廟諱辰以詩志哀 二

夕復至沼上荷花盡斂

夕陰坐槐樹下

終夜聽雨

立秋示同志 二

出洞偶吟

詠扇

終夜大雨澗響甚壯

伏聞 上候平復今日陳賀

待雞雞不鳴枕上口占二

灑井

書徐孫女嫁時屏

示兒孫

李正郎 宜炳 挽

即事

詠李處士

夢尋雪嶽到鳳頂覺來有詩寄士元求和

贈公履

使洪子容讀合啓聽之有作

初十日

李掌令 行敏 挽

林醴泉 象台 追挽

林佐郎 象奎 追挽

喜金姪士修兄弟來訪詩以勉之

臥念士元騎牛之行

和士元留詩

黃菊下贈別士元

敕侍者

崔生頌叔固歸自南塘盛道講說聽之有作

從徐別提宗華聞故里太半易主感歎有作

生朝志感

贈李生增

望日初起始講

志懷

曉吟

贈金伯真樂道

陶菴先生集卷四

詩四

具進士

文混挽甲子

少時詞賦氣凌雲並世云胡未識君
三隱遺風何處是遙憐窮谷一孤墳

其二

青山溪處白雲悠斂却高情翳一邱
碁子無聲絃亦絕春來花鳥失溪愁

張佐郎

字龜挽

邱壑清緣故帶方獨畱雙眼閱桑滄
冥冥一去不復



陽春先生集卷四
返彼鴈何曾戀稻梁

其二

騎省郎官莫言少君惟辛壬以前人世無知我何關
我俯仰要須不愧身

其三

生別終知死別殊猶然二紀一封書歸去若逢洪惠
伯爲言衰疾臥窮廬

和韓兄配性韻

不妨白首守山扃無辱元來勝有榮貧病如君何日
起醉生於世幾人醒窮居已分耕當祿老學休嫌善

近名默誦西銘願相勗要須存沒順仍寧

新齋告成重三會書社諸生小飲各賦

小屋槐庭下苟完非奐輪新來春社鷺同樂遠方人
絃誦酬佳節林泉絕俗塵淡盃酒如水遙野草成茵
忽有踏青興還嗟垂白身陰陰天欲雨此喜共吾民

曉枕作

老夫少眠睡徹夜聞子規聲哀訴何事春晏到如期
定在花淡處偏多月白時沉思晦翁志皓首愧無爲

漫吟

漸看雜花少還憐芳草芊魚生穀雨日鷺颺麥風天

陽春先生集卷四
永夕無來客通宵有杜鵑端居何所見物化自推遷

槐臺寫懷

朝朝瞻敬上東臺移席槐陰草色開早知腳力衰如
許繞墓應須日百迴

偶吟

山翠近書幃四邊芳草菲春愁付杜宇花事到薔薇
衰疾身無健行藏意與違偶逢時雨喜遙祝五雲暉

李參判雨臣挽

氣槩交遊際時時惠德音常嫌數舍遠那忍九泉淡
歌缶年方耄門闌古又今不知賢子姪能得此翁心

初上讀書臺鶯鳩交鳴小睡罷漫吟

松陰坐久自忘言棊子琴絃且莫論天為淡山嫌太
靜春來一任爾曹喧

懷申君瞻甫先斗寄詩

相思不見幾經春嗟爾朝耕暮讀人自有田頭危坐

地天教綠草密如茵古者人生八歲入小學至十五

學而歸之農士農由是而判焉申君光斗瞻甫弱冠
從余受小學大學有志有才可教而非不能者也一
日辭歸仁川之海隅力田以自食余歎曰古道之不
行久矣斯人將為一農夫已耶蓋傷其貧也其兄曰
我則將取科第而祿養也瞻甫耕餘不廢誦讀狀亦
不能從余遊偶有人來說其耕事余益嘉其賢作詩
以勗之甲子春社日

林塘偶吟
縱欲登山脚力微有時扶老出荆扉盈疇大麥尋常
浪浮水青荷早晚衣健犢愛蕪終日走疲羊畏露未
昏歸升堂且共歌風雅此樂陶陶永不違

詠窓

南北分窓牖茅茨一畝宮自得乾坤妙疇非財輔功
昏明坐占日開闔動隨風觸類沉吟久人心有塞通
避雨店舍雜坐口號

湖上歸來雨和泥相看一笑共旄倪樂時瞿瞿方良
士蟋蟀真堪代復圭

其二

雨罷山蹊半作泥黑雲何意又南倪不知顛倒衣裳
地能保斯心儼執圭

斜川卽事

泔泔水趨壑冉冉雲生樹坐久淡忘歸誰知這裏趣
觀水

吾聞紫陽老大水必遊臨天地斯爲快江河較孰淡
觀瀾應有術歎逝豈無心峽裏眼偏小猶堪濯暑襟
臨池偶興

岸幘宜晴日回塘澹暮天萍開樹陰直荷定露珠圓

照白身知老成丹意欲仙靜時涼思足何事又鳴蟬

其二

多事右軍墨無心陶令琴清池獨淨友長日復輕陰
點水蜻蜓小環籬琥珀淡時來慰幽寂樵牧是知音

川上口號

閒看秋水壯獨有野舟橫偶會詩書樂聊同山澤情
溪罇竹葉細田徑木花明人事一怙悵浮雲南北征

別濟州牧使尹子固令公植

漢挈絕頂未云奇祇是南溟環作池雲霧時看天馬
出春秋常與老人期無將白髮羞金橘且洗貪泉用

碧漪我病在床心則遠隨君大帆御風歸

八月十五日志哀

自罷千秋節頻傷八月來寢園淒白露仙仗轉晴雷
窮谷孤臣淚塵寰幾劫灰當年北寺慟直欲籲天廻

首句全用杜詩以肅廟誕辰也是日又吾仲父歸樂府君瘦歿之日故云

寄南海謫客朴士洙

去年風雨近重陽分韻題詩興若狂南海極天人不
見白頭黃葉共悲傷

疊成并寄

天地那曾無一陽 聖君已識此臣狂一霈雨雷知

不遠更新日月亦何傷

夕惕軒夜坐口號

眾壑暝色集疎籬烟翠遲屋頭過明月林影久參差
偶來澹忘歸幽懷有誰知

過夕惕軒趙君益章重晦孤坐詩以慰之

搖落虛堂赤葉堆孤花猶自伴人開不俗未妨賓作
主何須看竹去還迴

示康君仲鴻

毛羽蹁躑雲鶴儔一年來去信春秋天衢崢嶸日月
白高飛莫作稻梁謀

別慎君叙

愁送臺邊處士莊白雲黃葉路茫茫志氣老年增激
仰吾知壯觀在華陽愁送一
作搜勝

和士洙記夢

寤寐相思若在傍伊人何在海中央日月星辰天遠
大松篁橘柚摠文章

和士洙棘中述懷

讀詩胡然歎墻面為學且莫效磨驢胷中脫去藩籬
隔天地何往非廣居

太學生尹志述遷葬挽

先王上昇白雲鄉盛德大業長昭垂漢時鈎弋斷則
有未聞關係於倫彝迨我新王至難處大義爲重
難容私春秋妙旨在時宜諱則不可辭當微云誰作
文刻琬琰一治之功翳於斯死生禍福疇不顧一世
敢怒莫敢違滿廷孰非舊恩遇乃使危言出布衣堂
堂太學首善地隻手妄欲張天維桀驚之氣公正憤
下筆文字無歲蕤恨君年少未讀易大過滅頂理無
疑一時薄譴誠非料畢竟酷禍仍相隨神氣陽陽如
平日烈哉視死真如歸千秋復見范滂母是翁宜乎
有是兒建康城中三月雪白日黯慘神鬼悲吁嗟士

禍君作首一劫乾坤烈火馳忠文老相同歸死地下
相見將何辭衿陽十載血化碧旌翼重開欲何之我
欲表君作銘詩衰疾侵尋不可爲題寄荒詞達哀臆
萬一斯言信來茲

追挽徐察訪

文永

萬二千峰八葦中尤菴之後復斯翁心遠不嫌朝市
近知君避世在墻東

戊午夏間鷺洲徐老還自楓岳壯其氣力且高其志作詩欲寄

賀而未果翌年翁歿其子宗海以余病關誅詞屢乞追賦故書此而歸之

元日賞梅

乙丑

蕭索風流定恠人一盃蘇合氣氤氳瘦寒尙有精神

陶庵先生集卷四
在辛苦經冬更得春

立春志感

詩書拋去病為隣
袞袞流光感故新
年近從心猶愧
立少時希聖此何人

人日

年年愧此日頭白
又逢新方知踐形者
真箇是為人

自警

其二

不見湯盤戒新而新
又新兒曹長舊習
幾日汝為人

示兒孫

三月十二夜聞子規

山溪三月雪此夜始聞
鶉啼血為誰苦
花心猶寂然

試腳初至外軒

病餘行步任斜
敲濛雨和風最好
時珍重春光似相
待杏花高出屋頭枝

仍有所感示同學諸君子以警敕之

數十年來多少話
一言受用問為誰
蓋有之矣我
未之見也 聖

人自謂吾無隱
老病如今竊願之

三月三十日作

年年長賦送春詩
春去復來如有期
一氣流行無間

斷綠陰相代落花時

笑士涵喜睡

知君坐睡得真詮不是無心也
嗒然寤寐猶存求道志飛鳶
却喚夢中天

四月既望同諸生煮蔬

此會印須女園中花已衰
筐蔬擷處軟山雉執來時
飲水從吾好和羹與子宜
同人非獨樂既飽賦周詩
乍憩梅樹下

庭柯新葉長花落香未去
幽人偶會心蜂蝶不知處
端午日偶吟

空山日漸永閒坐思無窮
已綠神農草方薰虞帝風
恩懷賜衣節老慚醫國功
離騷不忍讀何處飯投筒

五月八日先代諱辰起坐感懷

歸鴻斷盡嶺雲橫
青草池塘夢不成
遙想孑然無後繼
異鄉今夜若爲情

戲題真像

笑問客從何處至
主翁與子似同年
身已人扶休見恠
回看髭髮共皤然

其二

欣然一笑共無言
目擊神融道便存
士貴知心何見

陶庵先生集卷四
晚從今相伴老山樊

又詠寫真

峨冠大帶彼何人坐處端如泥塑然愧我形心長役
役從今還欲問真詮

其二

纖毫不似別人是蟬蛻他時始返真珍重靈臺難狀
處不知傳得幾分存

即事

筍輿乘興出雨裏看荷華翠蓋扶來直明珠瀉得多
泥淡清不染香聞遠彌嘉初開倍可愛易落却堪嗟

黃都正 瑞河 挽

名泉故宅幾追攀磬折恭人和婉顏學士家中肱枕
大尚書膝下老衣斑風流奄隔四暮後質行當論萬
石間悵悵舊遊都送盡獨畱衰疾在人寰

李光州 宜祿 挽

明珠薏苡古來冤惠政光人永不諉祇應天亦憐無
罪餉與林泉廿載閒

其二

山蹊微雪憶敲門蕭散床書雅趣存清話至今猶在
耳湖雲渺渺獨傷魂

感慨 西宮獨拜人少年揚立屬兒身承家儒素徵
餘烈處世冲虛見性真待漏院中憐拙宦觀魚臺畔
泣遺民窮廬臥疾徒懷曩偏側從游似隔晨

朴承旨 聖幹 挽

哭朴生 宗相

自從屏居來憂道復憂世士洙忘爵祿求仁志頗勵
携子共讀書勤苦數年計一孟脫粟飢日中亦難繼
君年十二三質實爲根柢驥子纔動足便有千里勢
季文亦吾友見之謂可妻竭來京洛間餘事攻文藝
聲譽聞稍稍榮達期次第昨從謫廬回傳書願言際

若知成永訣詎惜征驂稅別來經暑月忽報客中逝
父母不在傍映睫死時涕魂應歸棘籬南雲望迢遞
寄語慰乃翁脩短命所繫願勿傷孝心瘴癘中安體

哭崔生 應星

松京故都多賢士誰其最者崔氏子甘白之質可爲
學往歲從遊志爲已知爾內行本於孝毀極居然病
不起寒泉老子解惜才子木相對增涕泗藍泉書堂
寂無人絃誦猶應聞故里

坐聽澗瀑

草樹陰陰澗壑幽風來左右颯如秋傍人莫小行潦

陸者先生集卷四
水不息終成萬里流

其二

泉源初不大得雨便作勢前流續後流決裂無憇憇
纔出牛鳴地乃入大川逝涓涓成江海千里詎迢遞
空山不寂寥白日天雷厲年年六月中濯熱氣稍勵
得失苦無常且莫忽微細

中夜起坐述懷

疾風甚雨顛倒起予上天之怒不敢戲豫默察此心
放僻都去常常自誦上帝臨汝

曉枕偶吟

蒸熱苦輾轉向曉始入睡崩騰又澎湃忽若秋聲至
驚起此何聲呼童使出視昨日南澗水得雨作勢易
尋常邱壑間便成喧雷地釜淵與水簾倉卒未覺異
終然是溝澮過情還自愧

荷花盛開

窮谷無與友出門一粲然亭亭數君子佇立涼風前
荷衣與荷佩意契何須寡又有美女子淡粧不要妍
羣居不可狎望之但如仙沉歎九歌意兼賦關雎篇
開落任造化流光奈逝川

即事

策杖度草堂前籃輿歇古槐邊香氣一池菡萏涼風
滿樹鳴蟬詩書此身已老崆峒妙訣誰傳門外流川
不息端居沉歎年年

兒子爲安城宰洪生雲紀偕遊詠歸亭有詩漫
和却寄

沙老留儒化此地有高樓風詠懷諸子登臨屬始秋
野開州市迥川抱院村流想像先生意絃歌喜子游
漫吟
誰教聒聒靜中天數日微涼滿樹蟬晚來急雨如相
逐感極人心還寂然

八月十三日樹阡表志感

平生蓼莪詩鮮民不如死古人同此懷蓋有歐陽子
筭書綿花朵何異荻畫字少時論相法偶同白面耳
有書不藉人終未學韓氏曾聞灑崗石青光照湖水
他山勤斲鏤功力豈配美文章萬丈焰葫蘆還可恥
平生劬勞願天地無窮已所幸未死前辛苦僅有此
永言貽令名官資何足恃千秋輿地圖不漏寒泉里
曉起開窓自笑成詩

淫雨淋浪無已時秋後始見月華清曾知秋夕異他
日萬國此夜同陰晴老夫輾轉不成寐拓窓起坐正

五更但見槐陰布地長想像星斗寒崢嶸天河曉色
涼似水澗瀑松籟空自鳴纖雲洗盡十分淨可憐終
夜爲誰明遙想天柱峰頭坐測管窺天笑此生

醉日志感

劬勞是日憶恩慈強對盃盤祇益悲遠膝稚孫已漸
長携壺二弟遽何之敢言配美瀧崗表准擬終身小
宛詩藥餌扶將無別事惟憂泉下恐長貽

偶成

天上玉堂好緣業雲邊茅屋淡生涯夢中詩語疑前
定坐對黃花惜歲華

末句卽夢中所作

疊前韻

黃花時節閉門臥空憶山巔與水涯卷裏卽看頭似
雪夢中曾有筆生華

迎菊盆

松籟寒聲時滿聽荷塘敗葉不堪看憐君自有黃中
德几案相將到夜闌

又迎菊盆

三春過眼渺榮華萬事乘除不足嗟歲晏心期欲誰
問閉門終日看黃花

十月作重陽會草成古風一首求和

陽春先生集卷四
古人卜名日舍柔而取剛聖王扶抑意於斯略承當
陽月遇剛九不妨作重陽坡山有故事寒泉又一場
北風木葉脫時序邁肅霜相對兩花盆歲寒獨芬芳
寄語座中人此意幸毋忘

野鶴

野鶴孤雲表長鳴有底哀高槐影扶疎輪翹久徘徊
胡從眠處過不與醒時來兒童叫奇絕老子意悠哉

追和金生濟大

用韻

好客逢良夜衰翁惜逝年高談去畦畛醉墨起雲烟
小集寒燈裏孤眠老菊邊朝來撫詩卷望若古人然

謝濟大用尤翁韻見贈

君詩吾豈敢萬事臥床邊巖巖憶當座袞袞感觀川
澆胷有醇酒磨迹只殘編大家風範在不語意悠然

餞菊

北風何慄烈駸駸日近至盆菊不受霜知時自憔悴
倚枕却相憐老醜亦此類草花終無力不及大冬翠
芬芳獨自保香氣幸無墜麾去且庇根料理來秋事

觀名山記詩寄尹令景孺

及求和

吾聞栗里子流觀山海圖作詩以自娛所樂問何如
窮巷隔溪轍耕罷還讀書時來會心人歡言有酒蔬

陸老先生集卷四
不知景孺家能復有此無遙憐雀羅門局促城市居
身雖不見容志則名利途座上風埃客疇可語此歟
不如速題面投還與老夫

冬暖

月令冬行春洪範集咎徵近臘不見雪履霜虛憂冰
團扇不去手病枕苦羣蠅老翁頗閱世此候見未曾
變理者誰子蒼天問莫憑時憂方瀕洞屢歎中夜興
和宋晦可追次十月重陽韻

十月寒泉會所貴在重剛思矯氣質偏取義蓋有當
節序近閉關天地疑無陽後至有良朋尊酒懽一場

和氣春同溫談笑傲雪霜盆花已辭歸入室猶聞芳
珍重歲寒期努力無相忘

喜曙

天寒夜長睡不着東方明星問如何虛室中間自生
白重重屏帳不能遮

其二

海上金雞鼓翼鳴誰教不已到天明同聲萬里如相
和默見乾坤感應情

至日同必玉觀梅得心字

地底微陽積辛苦排羣陰年年子之半推盪無古今

萬物寂未生消息宵難尋古人何所况淡味與希音
不有梅花發那見天地心朋來幸無疾次日方成臨
傍花讀義易對酒憶回琴沉嘆三字符非仁孰能任

梅下作

花知看好半開時氣化流行奈莫違始終道理要當
懼多事堯夫惡盛衰

贈別金士彬

文行海州通判

石室大節軒天地清白猶堪遺後人

先生清白為大節所掩故表而

揚之以勸子孫別時愁聽臘月雨去後行看百里春好將高
山九曲水淨洗地部十年塵賦歸之日吾差健且向

谷雲相主賓

用李一源

秉淵

韻寄題李奉朝賀

秉常

小歇亭

高臥聽鐘漏朝市復山林性拙自清致地偏猶遠心
名仍吾輩設郊西小樓亦同此名故云意覺古人淡郭外少塵事
應無車轍尋

敬次仲舅恩歸亭八恩韻

長歌數曲感君恩江上高亭首揭恩孤忠欲追
先王恩進退以道方酬恩身後哀榮罔非恩兒還挈
海亦殊恩當時每飯必祝恩子孫世世敢忘恩

贈別金姪士修

敏材

西浦賢孫在窮愁一布衣天教進塗畫日照覆盆遲
不學更何事藏身且待時却憐情緒苦三歎渭陽詩
梅花下喜鄭魯源至

花開十日若相須空谷生芻食白駒鳳溪自有梅千
樹君未離家落盡無
二十日出外舍觀都護兒至仍問訊梅花而歸
子舍華茵忽改觀石家遺法整衣冠臨歸且問梅花
信爲愛清香駐足看

嘲梅花

山中宰相本清高一夜轅門擁戟旄知爾托根爰得

所有時塵氣不嫌遭

臘日

悠悠百感屬窮年每遇茲辰倍愴然四海誰知朱氏
臘一區惟戴大明天 毅皇墨揭奎同煥麟史心傳
日共懸尤老遺書三十卷負來辛苦歎君賢

菴集而
來故云

是日李
疇負九

曉聽李君晦甫誦杜詩夏夜歎

茲詩授受十年前離合悲懽共惘然正是嚴風號栗
烈何如炎熱苦纏綿夜分長短交臻極月有圓虧也
獨懸無奈四時回換去古人憂國倍相憐

又至梅下時除夕

與爾馨香德當茲栗烈威離騷偶見漏松柏可同歸
已覺三元近那堪一片飛先春歲歲約到老莫相違
除夜口號示諸生

屠蘇序齒盡佳賓知是東西南北人節序迎來仍送
往工夫從故更知新誰將孤燭遲今夜却喜寒梅已
上春少日耽詩餘習氣醉中揮筆尚精神

元朝又至梅下

丙寅

春光依舊到山居詩債年年動有餘此樂世間誰識
者梅花香裏讀關雎

肩輿又至梅下

古人詠梅花讀易或相誇而今取關雎此意云如何
老我不能言何由發咨嗟詩道貴温厚歸宿思無邪
斯詩樂不淫國風無以加洋洋正滿耳不須三百多
古樂雖云缺用之鄉飲歌

逐日到梅下

天生百花生開落開後元無十日久池荷盛衰朝暮
間桃李繁華片時有嗟爾稟氣最貞固馨德經年長
自守陰中初共一陽生暖律仍隨大寒後貞元之際
萬化軸一理分明爾偏受老夫日來不辭勞座上客

陽春先生集卷四
滿尊有酒直須看到上元間不知早花誰繼否

題春帖

自罷君親祝頻傷是日迴老爲兒孫請題詩却自哈

其二

凍雪陰崖次第融草芽潛動識春風老翁扶杖誇身健
暖日昭蘇共蟄蟲屬己

其三

念汝成人久人事尙未成接物先平視應人不大聲
溫恭謹朝夕辭氣去歎盈科名非所願自勉勿忝生

屬木

其四

平居勿說病年長宜嗜書客氣麤豪甚從今一掃除

屬禾

次金君叔居

維寬

韻自嘲

平生惡人語鶻突不分明悶默抱茲病還他月華清

夢贈畫者

笑指生涯月一船依稀坐我畫中天鳴榔下瀨勢難
住回顧流年兩惘然

朝起偶吟

梅花落後更無詩春草齊生人不知林表鳴鳩初喚

陶庵先生集卷四
雨山翁睡足未興時

朴士洙自南海蒙 宥還過路一宿吟夜闌更
秉燭相對如夢寐之句仍有作

天教逐客共春還言路從今不復艱也知 聖渥深
於海佇見高名重似山出網初疑生羽翼近床方喜
宛容顏庭梅開日畱佳約秉燭相看恍惚間

和士洙畱詩

法堂依舊草將深病甚多慚枉士林老子閒來惟漫
興逐臣歸路更懷音江山護汝能勝昔藥餌扶吾得
至今素業詩書溫習地終須聞道契初心

夢食仙桃覺來香猶滿口

夙有崆峒願身衰氣尚豪仙人憐我病一笑賜蟠桃

李處士光益挽

星山華閣舊簪纓鄉國猶存善士名力稼元知勝肉
食教經何必羨金籬還真不愧全吾性致禱胡無感
至誠強把哀詞寄孝子病懷悽切望新塋

金榮川令行挽

歲月滔滔老我曹聞君長逝復號咷暮年落拓初誰
料少日才調大抵高談論時令孝伯屈詩篇屢被淵
翁褒白門同研渾如夢臨穴慚違走一遭

聞是日行習操寄都護兒

兵氣欲成虹春寒天又風書生一欸段都護好青驄
聖代衣袍備王畿戈甲雄欽欽終日意相勗有詩筒

其二

何須學兵法頗牧出詞林一洗儒酸盡方徵 聖懼
淡鼓行不愆步醪飲貴同心報國都輸汝素餐慚至
今

李文 衛佐 挽

病裏緣公未廢詩如何慶弔遽相隨康寧好德元稱
福畢竟歸全自有時衰淚幾傷投杖老變容猶喜勝

冠兒溪山春雪淡三丈一往靈車無返期

李奉事 聖興 挽

陰厓之後近凋枯公道世間嗟絕無老歲乍看人吐
氣微官還被鬼張弧梧楸小屋穿花訪松筍香醪隔
嶺呼來往風流成寂寞哀歌題寄淚緣鬚

酬慎可象 爾儀

吾非茂叔子初平老歲謙謙不自盈惻怛誠心未易
得推研義理豈難明淡慙促促踵常道還笑期期談
古經詩句能尋千載意窓前草翠雨新晴

夕惕軒對酒遣興

春陰漠漠弄新晴滿地落花閒愁縈林淡白日時見
鹿山寒三月未聞鶯投轄慙慙畱好客開樽怱悵憶
病生可憐書社同僧屋童子門前慣送迎

和可象平仲酬唱韻

人在春中未識春元來天自不違人渾然惻怛無私
累反顧吾心卽此仁

此詩偶說得仁體而若不論下手處無以求仁故
復推而廣之夫仁者如乾之統坤仁則義禮智盡
包其中故曰善之長也而其發於行則爲孝也蓋
仁有全體之仁有一事之仁全體之仁初學未可

遽言日用之間以孝爲先而事事皆以當理無私
心爲歸宿則於此可知其仁與不仁不仁者去之
仁者存之若推其極天地萬物爲一體者亦不外
是矣此與夫子答子貢不論博施濟衆只言恕者
一般做工夫當如此矣孝經之語孝曰推之四海
而準夫孝仁也故孔門諸子皆以求仁爲事初則
日月至焉漸至於三月不違其始於利而期於安
循循有次第所謂仁以爲己任者此也故愚嘗有
詩曰論語書中字字仁讀論語者若不知此味卽
與不曾讀相似閏月十六日又書

贈玄君子敬命直

寂寂落花雨草堂春日遲相逢竹林客細論石室詩

辛生聖任挽

蟬聯評事後羈旅白頭時埋劍嗟誰識懷瑜漫自奇
有書憐我疾無力救君飢攬涕仍題挽遺言知乞詩

李處士奎臣挽

如公德學世幾人洙泗源頭見道真顏夭憲窮嗟獨
萃聖門餘慟又今辰

其二

高潔其姿又獨行當今夫子是徐生莫言潛德無人

識青史畱傳處士名

其三

衰老常慚尸講茵斯文何幸有斯人黌堂自此虛賓
席減却儒林一半春

東金濟大

法堂三丈草溪時絃誦寥寥晴晝遲歎息佳期中道
改老婆心切有誰知

哭柳進士乘

並世而生七十年相望有若古人然願切識荆千里
隔愧淡責沈屢書傳遜翁墜緒於誰問奇老云亡爾

獨賢水月高亭却無主登臨異日涕如漣

寄詠望遠臺佳游臺在隋州海上兒子與崔生善初同遊

高臺臨海口故時朝天道歌曲至今悲空潮自暮早

中華百年戎醉天今亦老浩歌魯連子慷慨思一蹈

作花饅會口呼示諸生

花饅非不美咀嚙信知難然後方知味於書可反觀

旱極得雨其喜可知

田家無麥易成飢好雨連宵慰怨客降澤初無擇高

下將田非敢較公私極知喜怒皆中際正是天人合

一時臥念西銘兩句語通身融貫却堪思朱子云向要到雲谷

自下上山半塗大雨通身皆濕得到地頭因思
着天地之塞吾其體天地之帥吾其性時李通
及某人同在那裏因各人解此兩句後遂遺履
作西銘等解○曉起聞雨喜曰天之下雨吾之
喜雨均是一箇公心由是充擴隨事皆如此則
其庶乎遂成一律呼獨而書之平仲見之曰此
仁也願粘附於
向示仁說之下

山屏

山屏畫掩宿雲傍獸迹縱橫草欲荒滿地桐花人不
掃應緣過麝更添香

李生命赫挽

我李本零鮮敦親無遠近仲浩起西陬力學能自奮
君則難為兄均承義方訓往往歌鹿鳴屢屈心無愠

陶者先生集卷四
身雖違束脩志不恥敝緼吾兄忠信人守義貴安分
業家而無忝於君見遺韻琴彈有餘哀鬼伯乘厄運
積善胡無報天理不可問膝下四丈夫餘慶猶有蘊
廢學不自振居常心所隱哀歌望栢寺淹疾涕獨拭

贈白生

東顧

轟石樓前江水流忠臣怨恨幾時休山川一望何雄
拔形勝東南古晉州

其二

君從此地墮爲人千里求師志在仁拘曲元非君子
學他時報國且忘身

安生如松

宗茂

來畱數日將歸請曰從遊之久

而獨未蒙先生賜詩可恨也遂草贈一詩

方今流俗近楊朱從古能言乃聖徒自笑吾迂不量

力祇應君更甚於吾

仍記向年
以謝遺學徒

嚴教時親舊多勸
故以詩謝之日讀

書三十年或
恐爲楊朱

詠棗樹

方春敷榮時百卉競相好無花晚生葉沉晦獨爾棗
中含生生意外則似枯槁秋熟最居先赤心長自保
譬如魯也人聞道終則早宜爾君子類見取於此老

夏至

端居觀物化妙處消長際赤日行天地矯矯五龍勢
此時重淵底兆眇若微細聖人視羸豕躡躅患難制
直到剝廬後辛苦關還閉文明味謹獨此理孰堪諦
持作終身戒常如對上帝

端陽

上墓輸兒輩臥床空伴形野徑誰相埽巖扉獨自扃
病兼詩不健愁共酒無醒小雨花心斂花指芍藥溪山草
氣靈琴書依講社椒扇憶宸庭百感悠悠地光陰
不少停

見電寓警

纖毫失謹獨神目動如電造次曷敢忘出往與游行

寄題玄君子敬尋初齋

漁釣生涯晚覺非月山溪瀑倍光輝知君淮海猶豪
氣千仞崗頭一振衣

兩池

上池無所種所見但清水下池種芰荷花葉何其美
葉生暨花落一一摠堪視不言自成蹊還羞比桃李
水哉顧何取去路空邈迤無人一來顧蕩漾天雲裏
世情逐芬華至人惡成毀拄杖空歎息與誰話此理
六月初一日若將大雨而不雨

陽春先生集卷四
渾天全似墨大雨若翻盆霹靂虛生勢歆炎莫解煩
神靈也難測行止詎堪論忽念幡然老如何報國
恩

肅廟諱辰以詩志哀

長恨人間褥蟻遲白雲遙向帝鄉悲淫霖六月何曾
斷却憶千官雨泣時

其二

香案微臣雪滿頭滄桑閱盡尚千憂雷厲風飛舊辭
令此生快覩更無由

夕復至沼上荷花盡斂

朝開夕還斂芳心獨能持大易嚮晦義清通君自知

夕陰坐槐樹下

槐陰覆中庭清蟬朝夕鳴朝鳴苦熱極夕鳴喜涼生
病夫觀物化日據胡床聽年來欲無言默默以自成

終夜聽雨

一雨連宵苦不收蒸炎此去也應休怨咨尚有南方
曠旱澇均爲北極憂天地於人猶有憾生成他日詎
無秋巖泉忽作風雷勢同入前川滾滾流

立秋示同志

自從三十歲學孔長誦立朝暮且七十此學猶愧立

陶庵先生集 卷四
天時迭代序秋節忽警立心焉倍怵惕顧眄如有立
惟義與仁對人道由茲立浩然此一氣集來庶幾立
嗟我二三子勉勉早自立

其二

小兒纔學步笑我不能立我雖病無力亦能如爾立
步而適千里方可謂之立爾旣不能彼同是不能立
小兒幸無言未辨立不立日息與日消老壯難兩立
前頭千萬里吾當讓爾立

出洞偶吟

肩輿出洞少遲雷一夜前川已殺流雨過牛坡草新

盛日斜蟬樹徑增幽兒孫漫濯滄浪足老子虛橫野
渡舟閒裏往還惟適意未來憂患儘悠悠

詠扇

憶昨苦熱時頃刻不相去際茲涼風至已不知其處
秋蠅忽來集顛倒復思汝匪人殊愛惡維天代寒暑
得時毋自驕失時毋自沮區區景春輩丈夫何足語
終夜大雨澗響甚壯

晝夜空山道風水相發揮靜裏却生鬧此理本精微
窅然觀大始至人庶同歸

伏聞 上候平復今日陳賀

朝日曛曛雨乍歇遙知冠冕簇庭班
畎畝微臣自詒阻恭將天保誦南山

待雞雞不鳴枕上口占

雜念來無端如夢相纏繞雞鳴一破除
獨有此心曠中夜一氣神吾聞楚澤老

其二

簷雞苦多睡往時鳴則早豈汝廢天職
我自心慄慄天地無長夜時至自當曉

渫井

冽彼寒泉水可食人不食井德本無遷
澤物乃其職

一夜山中雨泥沙忽來逼此時正可渫
防修費衆力斯須盈活活爾性清而直
早晚井受福何用我心慄

書徐孫女嫁時屏

昔年同開好今日復爲昏婦人不取色
家內貴無言聰聽于爾祖庶不忝吾門
勉勉持恭敬因之及後昆示兒孫

余昔八九歲性拙力又脆足不下堂除
履地如恐墜盡日困書冊小心免撻笞
往往得秋實無暇可嘗味今余不汝禁
讀書還餘事蓋養食牛氣畱待展驥地
然亦非家法書以示童稚

李正郎 宜炳 挽

風樓棠寺舊題詩先契依然講至斯
水部官清無俗累花郊地近慣追隨
庠董尚許供朝士晉筆何能救夕飢
恨失一觴成永訣他時阿季涕同垂

即事

常時不廢味爽興病來勉強到窓曦
皤然出房老孟光舉案依舊齊其眉
四十年來偕隱歌所樂云何惟縞綦
登盤赤鯉長尺餘繞膝羣兒爭朶頤
老夫胡爲獨未食却憶少年口美時

詠李處士 即公履 名行祥

吾鄉士友誰最者云是少年處士李道心
一損朴君券科事兼爲妻子累十日工夫
貴得師將向西南謫宦裏堂中大人志不
苟指揮惟有先生視家貧猶可辦書糧畱
使連年左右侍藥共訓語古雖有千載實
踐惟見爾一日少離手如失十年謹慎心不
貳啞夫暗中書小字微君莫能通其意鄉中
公論咸稱奇天爲陶菴生此子昨日都下設
監試人人奔驚空村里爭冀行險以微倖
縱使得中亦徒耳末世滔滔摠流俗爲利攘
攘走如水君能超脫濁浪中燕雀焉得鴻
鵠比抱羞讓頭不出氣笑彼洪崔諸進士
木禾數子

何足云終夕掘井不知恥老我出身無補時視汝早
透能無愧但汝素性鈍而嬾立志不強難遠致霜曉
窓外苦呼寒篝火燈前動和睡南陽處士真可戒視
爾尤少今暴棄作詩褒善且勸學病中此意君須識
八月二十六日夜夢尋雪嶽庵不識新徑到鳳
頂而還覺來有詩書出土元書適至却寄求和
俞泓窟畔舍輿行鳳寺前程半百羸菴戴孤巖危欲
墜崖懸雙瀑匯仍滄上方宿處生林木有寺皆廢故云緣澗
休時辨壑名今夜夢遊差一快暫離塵殼覺神輕
贈公履

商也由來戒色難少時春帖在心官今朝贈汝終身
佩歸去親庭要驗看

使洪子容讀合啓聽之有作

素信乾坤陽未亡况聞天定勝人強煩君深夜挑燈
讀意快渾忘病在床

初十日

恭惟皇考以降辰肅霜之月氣縕網白酒黃花昨日
是長歌短詠昔年陳穀紋神穴地呈瑞玉種良田天
報仁朝夕瞻依廿載事他時山足永歸身

李掌令行敬挽

石灘之後子爲賢一識荊州記往年素性耽詩仍世
業青山近宅是遺甍功名得喪何關我邪正從違不
忝先早晚同庚重約會那堪此老又黃泉

林醴泉

象台

追挽

先人疏宥少物欲遇酒微醺業所嗜登盤美肴桐華
洗正好初寒微霰時兩家新釀誰先熟惟有弼卿可
共茲伯父五婿林其中贅館半世不曾離異爨何殊
同室居從遊昕夕常怡怡平陂閱歷十載間場屋鉛
槧亦追隨黃墟一灑斷絃淚語言尋常作酒悲吾兄
長余董十歲童時小字曰沙彌奇事壁土能已疾至

行孝悌出天彝自言吾是外家人偏黨不一出言辭
戊子之春自南還客裏數月邁癘危旅村冷落誰相
問朝暮頻繁養疾資吾家情好自應爾感激終身誦
恩慈出郊以來稍疎闊入城未嘗不候之吾姑見我
色敷腴歎息舊事爾能思壁藏無時不貯酒手酌與
之垂涕洟吾兄兄弟時在側淡愛愉婉老萊兒往事
歷歷心內存有時追惟一夢疑方中同事詎可忘醴
泉去路仍長辭孝子涕泣求我詞情所不已何辭爲
辭繁不殺自有意微此後生那得知

林佐郎

象奎

追挽

爲已爲親事則均斯言斯理孰知真萊衣繞膝常愉
色毛檄違心亦謹身不求即所以謹身也墻東自喜成高隱巷
北翻嗟失德隣白頭荒野空垂涕難見塵中如玉人

喜金姪士修兄弟來訪詩以勉之

幽獨深知搖落哀黃花不枉九秋期敲枕孤對兩脉
脉怙悵無人問所思眼中忽見意中人呼燭相看夜
何其老我病甚不能言情愛所發形於詩西浦孤忠
同屈原騷家千古有餘悲乃慈之行吾所記温温恭
人惟德基皇天報善有遲速不食惟應福諸兒如何
窮厄不自保飄泊驪江年屢移壬寅慘禍不忍說何

事身後多詆訾同是禍家人吾意獨憐之傳聞討逆
公論張天定勝人今乃知筵中有舉乙逆者自上
特問推戴誰此是是非大頭腦覆盆回照必由斯人
生窮達自關天射隼高墉亦何遲官塗榮進特小事
忠孝家聲貴無隳及此閒暇尙可力惜茲歲月宜孜
孜勿以江居作便安視同海隅編管時顧我一疾苦
無聊陶寫性情詩能爲曾托刪後速寄來用作閒中
消遣資

臥念士元騎牛之行

秋風吹客袂黃葉滿歸程獨騎牝牛去誰知驄馬行

且喜聊從好何嫌笑近名浮榮身外事谷裏戒騶鳴
和士元留詩

相逢無俗語梅菊是雙清歲色霜淒冷行愁雨滿盈
沉淹此貞疾勉戒荷真誠所憂學不講德性何由明
黃菊下贈別士元

空山風雪亂交斜坐對孤芳惜歲華病似老僧長入
定學慚行子自歸家幸天好作留賓雨知爾羞爲欲
語花同臭須從言外會後凋心事各無差
敕侍者

曉夜人扶坐蒼黃易去冠無令幽獨裏增愆管幼安

崔生南叔固歸自南塘盛道講說聽之有作

即韓掌令
元震所居

德昭豪傑士往昔舉于海自有累世好幸又生間歲
到老不一識意見知相戾秋間崔叔固過我告南逝
聞是雄辯人子將何以說欲令大議論歸一立談際
知君大力量且恃明見解然亦不易事自信或太銳
徧交諸君子資益亦不細留連數月歸問疾復來稅
初學於先進推遜乃其例得無或失言旨意願淡諦
蓋聞心性間過占氣分界偏全作本然氣質當心體
難將一寸莖敵得千勻勢和者僅一二不合難數計

陶者先生集卷四
千萬極不是栗翁說得快外此宜未敢恐亦坐充厲
義理天下公偏見難拘制此事非可法宜作反身戒
濯舊以來新永言願自勵况聞狀師德以是爲關楨
蓋於本說外推演謂善繼尤菴及遂翁傳授有次第
自誤還小事貽累豈不大吾道本衰敗論議又不齊
客去私自識蓋亦憂衰世

從徐別提宗華聞故里親舊家大半易主感歎
有作徐是城西里中人也

東西門巷憶經過問舊驚號易主多惟有古槐疎冷
地國存與共是吾家近俗喜斥賣家舍士大夫鮮
有世其祖先故家者此恐非

國家福吾家家法一定厥居輒皆
世守故云後承不可不知此意也

生朝志感

庚申吾以降是日我爲人網縉五行氣主宰一團仁
徒忝三才象虛經六十春無時不戒懼體受始全身

贈李生增○後
改名赫

九歲斷指者真堪礪衰世殆近一點明足驗性根祇
於此推將去方爲活孝悌千萬勉學意先須識仁體
望日初起始講

病翁初起去牀塵直月跪前書冊陳若可讀書依舊
啞頽然一笑復敲身

志懷

歲暮窮陰百感淡孤花相伴在山林虛堂寂寂諸生
去講罷隱然金石音

曉吟

窮山寥落夜何其正是雞鳴未鳴時收拾吾心此為
要虛靈田地復誰窺

贈金伯真 樂道

白頭臥邱壑朝廷任是非居鄉十九載幸得一士歸



